

背叛哉其主之德義厚而號令行也夫疾風而波興木茂而鳥集相生之氣也是故臣不得其所欲於君者君亦不能得其所求於臣也君臣之施者相報之勢也是故臣盡力死節以與君計君垂爵以與臣是故君不能賞無功之臣臣亦不能死無德之君君德不下流於民而欲用之如鞭蹶馬矣是猶不待雨而求熟稼必不可之數也數術

主術訓下

君人之道處靜以修身儉約以率下靜則下無擾矣儉則民不怨矣下擾則政亂民怨則德薄政亂則賢者不為謀德薄則勇者不為死是故人主好鷲鳥猛獸珍怪奇物金玉為珍詭異狡為怪非常為奇

道藏輯要

淮南鴻烈解

十四

虛集七

躁康荒

康安荒亂

不愛民力馳騁田獵出入不時如此則百官務亂

事勤財匱

勤勞匱乏

萬民愁苦生業不修矣人主好高臺深池雕琢

刻鏤黼黻文章絺綌綺繡寶玩珠玉

白與黑為黼青與赤為黻絺綌葛也精曰絺麤曰綌

五彩具曰繡也

則賦斂無度而萬民力竭矣堯之有天下也非貪萬民

之富而安人主之位也以爲百姓力征強凌弱眾暴寡於是堯

乃身服節儉之行而明相愛之仁以和輯之是故茅茨不剪采

椽不斷大路不畫

大路上路四馬車也天子駕六馬不畫不文飾也

越席不緣越結蒲為席也

大羹不和

不致五味

粢食不穀穀細巡狩行教勤勞天下周流五嶽豈

其奉養不足樂哉舉天下而以爲社稷非有利焉年衰志憫

也憫憂也

舉天下而傳之舜猶卻行而脫蹤也

言甚易也

衰世則不然一

日而有天下之富處人主之勢則竭百姓之力以奉耳目之欲志專在於宮室臺榭陂池苑囿猛獸熊羆玩好珍怪是故貧民糟糠不接於耳而虎狼熊羆厭芻豢百姓短褐不完而宮室衣錦繡人主急茲無用之功百姓黎民顛頽於天下齊黎是故使天下不安其性不得安其正性偽詐生也

人主之居也如日月之明也天下之所同側目而視側耳而聽延頸舉踵而望也是故非澹泊無以明德非甯靜無以致遠非寬大無以兼覆非慈厚無以懷眾非平正無以制斷是故賢主之用人也猶巧工之制木也制大者以為舟航柱樑兩小船並與共濟為航也小者以為楫楫修者以為櫓棹櫓屋垂棹穩也短者以為朱儒

道藏輯要

淮南鴻烈解

三五

虛集七

枅樞

朱儒梁上戴蹲跪人也枅讀如雞也

無大小修短各得其宜宜規矩方圓各

有所施天下之物莫凶於雞毒雞毒鳥頭然而良醫蒙而藏之有所

用也是故林莽之材猶無可棄者而况人乎今夫朝廷之所不舉鄉曲之所不譽非其人不肖也其所以官之者非其職也鹿之上山獐不能跂也及其下牧豎能追之才有所修短也是故有大略者不可責以捷巧略行道也有小智者不可任以大功人有其才物有其形有任一而太重或任百而尚輕是故審毫釐之計者必遺天下之大數遺失不失小物之選者或於大事之舉譬猶狸之不可使搏牛虎之不可使搏鼠也今人之才或欲平九州并方外存危國繼絕世志在直道正邪決煩理擘而乃責之

以閭閻之禮噢突之間或佞巧小具諂進愉說隨鄉曲之俗卑

下眾人之耳目而乃任之以天下之權治亂之機機理是猶以斧

斲毛以刀抵木也斲剪也斲讀驚擯之攢也皆失其宜矣宜適人主者以天下

之目視以天下之耳聽以天下之智慮以天下之力爭是故號

令能下究而臣情得上聞聞猶達也百官修通羣臣輻湊也歸君若輻之湊

輻故曰輻湊喜不以賞賜怒不以罪誅懼失當也是故威立而不廢聰明

先而不弊弊法察而不苛苛煩也耳目達而不聞善否之情

日陳於前而無所逆是故賢者盡其智而不肖者竭其力德澤

兼覆而不偏羣臣勸務而不怠怠懈近者安其性遠者懷其德性歸也

所以然者何也得用人之道而不任己之才者也故假輿

道藏輯要 淮南鴻烈解 三 虛集七

馬者足不勞而致千里假或作駕乘舟楫不能游而絕江海絕猶過也夫

人主之情莫不欲總海內之智盡眾人之力然而羣臣志達效

忠者希不困其身困猶危也使言之而是雖在褐夫芻蕘猶不可棄

也言雖賤當用故曰不可棄也使言之而非也雖在卿相人君掄策於廟堂

之上未必可用人君謂國君也掄出策謀也言之而非雖責罰也是非之所在不可以

貴賤尊卑論也是明主之聽於羣臣其計乃可用不羞其位不羞其位卑

而不用其主言可行不責其辯不責其辯美辭也聞主則不然所愛習

親近者雖邪枉不正不能見也疏遠則卑賤者竭力盡忠不能

知也有言者窮之以辭有諫者誅之以罪如此而欲照海內存

萬方是猶塞耳而聽清濁商音清宮音濁掩目而視青黃也其離聰明

則亦遠矣去離法者天下之廣量而人主之準繩也縣法者法不

法也設賞者賞當賞也法定之後中程者賞缺繩者誅尊貴者

不輕其罰而卑賤者不重其刑言平犯法者雖賢必誅中度者雖

不肖必無罪是故公道通而私道塞矣公正也私邪也塞閉也古之置有

司也有司蓋有理官士也所以禁民使不得自恣也恣放恣也其立君也所以

嗣有司使無專行擅專法籍禮義者所以禁君使無擅斷也人莫

得自恣則之勝道勝而理達矣故反於無為無為者非謂其凝

滯而不動也以其言莫從已出也夫寸生於稊稊生於日日生

於形形生於景此度之本也稊禾穗稊字榆頭芒也十稊為一分十分為一寸十寸為一尺十尺

為一丈政謂之本也樂生於音音生於律律生於風此聲之宗也宗亦法本也

道藏輯要

淮南鴻烈解

三

虛集七

生於義義生於眾適眾適合於人心此治之要也要約眾也故通於

本者不亂於末覩於要者不惑於詳惑法者非天墮非地生發

於人間而反以自正反還是故有諸己不非諸人有諸己己有聰明也不非諸人

恕人無諸己不求諸人言己雖無獨見之明不求加罪於人也所立於下者不廢

於上人主所立法禁於民亦自修之不廢於上言以法也所禁於民者不行於身不正之事不獨

行之於身言其正己以正人也所謂亡國非無君也無法也變法者非無法也

有法者而不用與無法等等是故人主之立法先自為檢式儀

表表正故令行於天下孔子曰其身正不令而行其身不正雖令

不從故禁勝於身則令行於民矣禁勝於身不敢自犯禁也故能令行於民也聖主

之治也其猶造父之御齊輯之於轡銜之際而急緩之於唇吻

之和正度於胸臆之中而執節於掌握之間策節內得於心中外

合於馬志是故能進退履繩繩直也而旋曲中規曲屈也取道致遠

而氣力有餘誠得其術也是故權勢者人主之車輿也大臣者

人主之駟馬也體離車輿之安而手失駟馬之心而能不危者

古今未有也是故輿馬不調王良不足以取道君臣不和唐虞

不能以為治執術而御之則管晏之智盡矣明分以示之則蹠

蕎之姦止矣盜蹠孔子時人蕎莊蕎楚威王之將軍能大為盜也夫據除而窺井底雖達

視猶不能見其睛睛目童子也借明於鑑以照之則寸之分可得而

察也鑑鏡也分毛也一曰疵是故明主之耳目不勞精神不竭物至而觀

其象事來而應其化近者不亂遠者治也是故不用適然之數

道藏輯要 淮南鴻烈解 三 虛集七

而行必然之道故萬舉而無遺策矣今夫御者馬體調於車御

心和於馬則厯險致遠進退周游莫不如志雖有騏驥騄耳之

良臧獲御之則馬反自恣而人弗能制矣臧獲古之不能御者魯人也故治

者不貴其自是而貴其不得為非也故曰勿使可欲毋曰弗求

勿使可奪毋曰不爭如此則人材釋而公道行矣美者正於度

而不足者建於用故海內可一也夫釋職事而聽非譽棄公勞

而用朋黨公正則奇材佻長而干次奇材非常之材佻長卒非純賢也故曰干次也守官

者壅遏而不進如此則民俗亂於國而功臣爭於朝奇材佻長之人干超

其功勞之臣反不顯烈故爭於朝也故法律度量者人主之所以執下執釋之

而不用不用法律律度也是猶無轡銜而馳也羣臣百姓反弄其上是

故有術則制人無術則制於人爲人所擒制也吞舟之魚蕩而失水則

制於螻蟻離其居也魚能吞舟言其大也其居水也猿狖失木而擒於狐狸非

其處也其處茂木君人者釋所守而與臣下爭則有司以無爲持位

無所爲以守職者以從君取容隨君之欲以取容媚是以人臣藏智而弗

用不用智謀贊佐其上也反以事轉任其上矣賢臣見其不肯爲謀故轉任其上令自制之詩云仲

山甫既明且哲以保其身夫貴富者之於勞也達事者之於察也驕恣者之

於恭也勢不及君君人者不任能不任用臣智能也而好自爲之則智

口困而自負其責也數窮於下則不能伸理行墮於國則不能

專制智不足以爲治威不足以行誅則無以與天下交也喜怒

形於心者欲見於外則守職者離正而阿上阿曲從也有司枉法而

道藏輯要 淮南鴻烈解 无 虛集七 〇〇〇

從風風令賞不當功誅不應罪上下離心而君臣相怨也是以執

政阿主而有過則無以責之有罪而不誅則百官煩亂智弗能

解也毀譽萌生而明不能照也不正本而反自修則人主逾勞

人臣逾逸是猶代庖宰剝牲而爲大匠斲也與馬競走筋絕而

弗能及上車執轡則馬死於衡下故伯樂相之王良御之明主

乘之無御相之勞而致千里者乘於人資以爲羽翼也資是故

君人者無爲而有守也有爲而無好也無所私好有爲則讒生有好

則諛起諛諛之人乘志而起昔者齊桓公好味而易牙烹其首子而餌之

桓公襄公諸兒之子小白虞君好寶而晉獻以璧馬鈞之鈞取胡王好音而秦

穆公以女樂誘之誘惑是皆以利見制於人也制猶擒也故善建者不

拔言建之無形也夫火熱而水滅之金剛而火銷之木強而斧伐之水

流而土遏之唯造化者物莫能勝也故中欲不出謂之局外邪

不入謂之塞中局外閉何事之不節外閉中局何事之不成弗

用而後能用之弗為而後能為之精神勞則越越散耳目淫則竭

滅故有道之主滅想去意清虛以待不伐之言不奪之事循名

責實使自司任而弗詔責而弗教以不知為道道常未知以奈何為

寶道貴無形無形不可奈何道之所以為貴也如此則百官之事各有所守矣有所守言

不離局也攝權勢之柄其於化民易矣衛君役子路權重也衛君出公軛也

景桓公臣管晏位尊也管仲輔相桓公晏嬰相景公二君位尊故也怯服勇而愚制

智其所託勢者勝也故枝不得大於榦末不得強於本則輕重

道藏輯要 淮南鴻烈解 三 虛集七

小大有以相制也若五指之屬於臂搏援攫捷莫不如志言以

小屬於大也是故得勢之利者所持甚小其存甚大所守甚約

約要也所制甚廣是故十圍之木持千鈞之屋五寸之鍵制開

闔豈其材之巨小足哉所居要也孔邱墨翟修先聖之術通六

藝之論口道其言身行其志慕義從風風化而為之服役者不過

數十人役事使居天子之位則天下徧為儒墨矣徧猶盡也楚莊王傷

文無畏之死於宋也奮袂而越衣冠相連於道遂成軍宋城之

下權柄重也莊王楚穆王商臣之子旅也使申舟問聘於齊不假道於宋無畏曰宋必襲殺我王曰殺汝伐宋見

犀而行不假道於宋華元曰過我而不假道鄙我也鄙我亡也以兵殺其使者亦亡也遂殺之莊王聞之怒故拔袂而起成軍

亡宋城故曰權柄重也楚文王好服解冠楚國效之文王楚武王熊達之子熊庇解豸之冠如

今御趙武靈王貝帶鷓鴣而朝趙國化之武靈王出春秋後以大貝飾帶胡服鷓鴣

讀曰私鉞頭曰郭使在匹夫布衣雖冠獬冠帶貝帶鷓鴣而朝

則不免為人笑也鷓鴣讀曰私鉞頭二字三音也夫民之好善樂正不得禁誅

而自中法度者萬無損也下必行之令從之者利逆之者凶日

陰未移而海內莫不被繩矣繩正故握劍鋒以離北宮子司馬蒯

賈不使應敵北宮子齊人也孟子所謂北宮勇也司馬蒯賈其先程伯休甫宣王命以為司馬因為司馬氏蒯賈

其後也周衰適他國蒯賈在操其觚招其末則庸人能以制勝

趙以善擊劍聞應猶擊也招舉也今使烏獲藉藉從後牽牛尾尾絕而不從者逆也烏獲藉藉

皆多力人若指之桑條以貫其鼻則五尺童子牽而周四海者順也

夫七尺之撓而制船之左右者以水為資撓刺船棹也資用也撓讀煩撓之撓也

道藏輯要 淮南鴻烈解 三 虛集七 八三川

天子發號令行禁止以眾為勢也夫防民之所害開民之所利

威行也若發城決塘城水城也塘堤也皆所以畜水故循流而下易以至背風

而馳易以遠因其勢也桓公立政去食肉之獸食粟之鳥係罟之網

三舉百姓說桓齊桓公紂殺王子比干而骨肉怨新朝涉者之脛而

萬民叛再舉而天下失矣故義者非能徧利天下之民利一人

而天下從風暴者非盡害海內之眾也害一人而天下離叛故

桓公三舉而九合諸侯紂再舉而不得為匹夫故舉錯不可不

審三舉去食肉之獸食粟之鳥係罟罟之網再舉殺比干新朝涉之脛人主租斂於民也必先計

歲收量民積聚知饑饉有餘不足之數然後取車輿衣食供養

其欲高臺層榭接屋連閣非不麗也然民無掘穴狹廬所以託

身者明主弗樂不樂其美麗也肥醲甘脆非不美也然民有糟糠菽粟

不接於口者則明主弗甘也不甘其肥醲也匡牀蒻席非不甯匡安也蒻細也

然民有處邊城犯危難澤死暴骸者明主弗安也不安其匡牀蒻席也故

古之君人者其慘怛於民也國有飢者食不重味民有寒者而

冬不被裘與同寒飢歲登民豐乃始縣鐘鼓陳干戚登成也年穀豐熟也君臣

上下同心而樂之國無哀人言皆樂也故古之為金石管絃者所以

宣樂也金鍾石磬管簫也絃琴瑟兵革斧鉞者所以飾怒也觴酌俎豆酬酢

之禮所以效善也效衰經管履辟踊哭泣所以諭哀也明此皆

有充於內而成像於外充實及至亂主取民則不裁其力裁求於

下則不量其積男女不得事耕織之業以供上之求事治業事力勤

道藏輯要 淮南鴻烈解 三 虛集七 八八

財匱君臣相疾也故民至於焦唇沸肝有今無儲有今日之食而無明日之

儲也乃始撞大鍾擊鳴鼓吹竽笙彈琴瑟是猶貫甲冑而入宗

廟被羅紈而從軍旅失樂之所由生矣夫民之為生也一人跣

耒而耕不過十畝踏中田之獲卒歲之收不過畝四石妻子老

弱仰而食之時有涿旱災害之患涿久而有水潦也有以給上之徵賦車

馬兵革之費由此觀之則人之生閔矣閔憂無樂夫天地之大計三

年耕而餘一年之食率九年而有三年之畜十八年而有六年

之積積委也二十七年而有九年之儲雖涿旱災害之殃民莫困

窮流亡也故國無九年之畜謂之不足無六年之積謂之閔急

閔憂無三年之畜謂之窮乏故有仁君明主其取下有節自養

病急

有度則得承受於天地而不離飢寒之患矣若得貪主暴君撓

於其下侵漁其民以適無窮之欲則百姓無以被天和而履地

德矣天和氣也地德所生植也食者民之本也民者國之本也國者君之本

也是故人君者上因天時下盡地財中用人力是以羣生遂長

五穀蕃植教民養育六畜以時種樹務修田疇滋植桑麻肥壤

高下各因其宜邱陵阪險不生五穀者以樹竹木春伐枯槁夏

取果麻有核曰果無核曰麻秋畜蔬食菜蔬曰蔬穀食曰食冬伐薪蒸大者曰薪小者曰蒸以

為民資資用是故生無乏用死無轉尸棄故先王之法政不掩羣

掩掩猶盡也不取麇天鹿子曰麇麋子曰天不蒸澤而漁涸澤漉池不焚林而獵為盡物也

豺未祭獸置罟不得布於野十月之時豺殺獸四面陳之世謂之祭獸也未祭獸置罟不得施也

道藏輯要 淮南鴻烈解 三 虛集七

獺未祭魚網罟不得入於水獺獺也明堂月令孟春之月獺祭魚獺取鯉四面陳之水邊世謂之祭魚未祭不得捕也鷹隼未摯羅網不得張於谿谷立秋鷹摯矣未立秋不得施下鷹或作雉

草木未落斤斧不得入山林九月草木節解未解不得伐山林也昆蟲未蟄不得

以火燒田七月蟄蟲備藏未蟄不得用燒田也孕畜不得殺鷲卵不得探魚不長

尺不得取彘不期年不得食皆為盡物是故草木之發若蒸氣發禽生禽

獸歸之若流原飛鳥歸之若烟雲有所以致之也故先王之政

四海之雲至而修封疆立春之後海出雲蝦蟇鳴燕降而達路除道三月

之陰降百泉則修橋梁十月時昏張中則務種穀三月昏張星中於南方張南方

朱鳥之宿也 大火中則種黍菽大火東方蒼龍之宿四月建巳中在南方菽豆也 虛中則種

宿麥虛北方玄武之宿八月建酉中於南方也 節中則收斂畜積伐薪木昴星西方白虎也季

秋之月收斂畜積也上告於天下布之民先王之所以應時修備富國利

民實曠來遠者其道備矣實滿也曠空也非能日見而足行之也欲利

之也欲利之也不忘於心則官自備矣心之於九竅四支也不

能一事焉然而動靜視聽皆以為主者不忘於欲利之也故堯

為善而眾善至矣桀為非而眾非來也善積即功成非積則禍

極極至凡人之論心欲小而志欲大智欲員而行欲方能欲多而

事欲鮮所以心欲小者慮患未生備禍未發戒過慎微不敢縱

其欲也詩云惟此文王小心翼翼昭事上帝聿懷多福此之謂也志欲大者兼包萬國一齊

殊俗并覆百姓若合一族是非輻湊而為之轂轂以論至智欲員者

環復轉運終始無端若順連環故曰無端旁流四達淵泉而不竭萬物並

道藏輯要

淮南鴻烈解

三

虛集七

興莫不嚮應也和應行欲方者直立而不撓撓弱曲也素白而不污窮

不易操通不肆志肆放能欲多者文武備具動靜中儀舉動廢置

曲得其宜無所擊戾無不畢宜也擊掌也失破也事欲鮮者執柄持術

得要以應眾執約以治廣處靜持中運於璇樞以一合萬若合

符者也符術故心小者禁於微也志大者無不懷也多所容也知員者

無不知也行方者有不為也非正道不為也能多者無不治也治猶事作也

鮮者約所持也約要古者天子聽朝公卿正諫博士誦詩瞽箴師

誦庶人傳語史書其過率徹其膳猶以為未足也故堯置敢諫

之鼓也欲諫者擊其鼓舜立誹謗之木書其善否於表木也湯有司直之人司直官名

不曲也武王立戒慎之銘戒君令慎過若毫釐而既已備之也

也備具夫聖人之於善也無小而不舉用其於過也無微而不改

更堯舜禹湯文武王皆坦然天下而南面焉背屏而當此之時

馨鼓而食也詩云鼓鍾伐馨奏雍而徹雍已食已飯而祭甞行

不用巫祝言其率德蹈鬼神弗敢崇山川弗敢禍可謂至貴矣

至德之可貴也然而戰戰慄慄日慎一日由此觀之則聖人之心小矣

詩云惟此文王小心翼翼昭事上帝聿懷多福其斯之謂歟武

王伐紂發鉅橋之粟散鹿臺之錢鉅橋紂倉名也一說鉅鹿漕

積也武王發紂比干之墓比干紂諸父也諫紂之非紂殺

容之閭商容殷之賢人老子師故表顯其里穆稱篇朝成湯之

廟成湯殷受命之王解箕子之囚箕子紂之庶兄論語云箕子

道藏輯要淮南鴻烈解三五虛集七

問以洪範封使各處其宅田其田無故無新惟賢是親用非其

有使非其人晏然若故有之由此觀之則聖人之志大矣文王

周觀得失徧觀是非堯舜所以昌桀紂所以亡者皆著於明堂

著猶於是略智博聞以應無方由此觀之則聖人之智員矣成

康繼文武之業守明堂之制通存亡之迹見成敗之變非道不

言非聖人之非義不行非仁義不言不苟出行不苟為擇善而

後從事焉由此觀之則聖人之行方矣孔子之通智過於其弘

勇服於孟賁足躡郊菟力招城關能亦多矣其弘周大夫敬王

招城門關端能舉之故曰亦能多也然而勇力不聞人不知其

伎巧不知人有伎巧者專行孝道以成素王事亦鮮矣春秋一百

四十二年亡國五十二弑君三十六采善鉅醜以成王道論亦

博矣然而圍於匡顏色不變絃歌不輟匡宋邑也今陳襄邑西

德於子匡人其如子何故臨死亡之地犯患難之危據義行理

而志不攝分亦明矣犯猶遭攝猶懼然為魯司寇聽獄必為斷為魯定

作為春秋不道鬼神不敢專己夫聖人之智固已多矣其所守

者有約故舉而必榮愚人之智固已少矣其所事者少故動而

必窮矣吳起張儀智不若孔墨而爭萬乘之君此其所以車裂

支解也夫以正教化者易而必成以邪巧世者難而必敗凡將

設行立趣於天下捨其易成者而從事難而必敗者愚惑之所

致也凡此六反者不可不察也六反謂孔墨莫弘孟賁吳起張儀也其行相反故曰六反也

道藏輯要

淮南鴻烈解

三

虛集七

偏知萬物而不知人道不可謂智偏愛羣生而不愛人類不可

謂仁仁者愛其類也智者不可惑也仁者雖在斷割之中其所

不忍之色可見也不忍以斷割之色見於顏色也智者雖煩難之事其不聞之

效可見也內恕反情心之所欲其不加諸人由近知遠由已知

人此人智之所合而行也小有教而大有存也小有誅而大有

甯也小教之以正故大有存也少責之以義故唯惻隱推而行

之此智者之所獨斷也故仁智錯有時合合者為正錯者為權

其義一也府吏守法君子制義法而無義亦府吏也不足以為

政耕之為事也勞織之為事也擾擾勞之事而民不舍者知其

可以衣食也人之情不能無衣食衣食之道必始於耕織萬民

之所容見也物之若耕織者始初甚勞終必利也眾愚人之所見者寡事可權者多愚之所權者少此愚者之所多患物之可備者智者盡備之可權者盡權之此智者所以寡患也故智者先忤而後合忤逆愚者始於樂而終於哀今日何爲而樂乎旦日何爲而義乎此易言也今日何爲而義且日何爲而榮此難知也問瞽師曰白素何如曰縞然曰黑何若曰黓然援白黑而示之則不處焉人之視白黑以目言白黑以口瞽師有以言白黑無以知白黑故言白黑與人同其別白黑與人異入孝於親出忠於君無愚智賢不肖皆知其爲義也使陳忠孝行而知所出者鮮矣凡人思慮莫不先以爲可而後行之其是或非此愚智

道藏輯要

淮南鴻烈解

三七

虛集七

之所以異見人之性莫貴於仁莫急於智仁以爲質知以行之兩者爲本而加之以勇力辯慧捷疾劬錄巧敏遲利聰明審察盡眾益也身材未修伎巧曲備而無仁智以爲表幹而加之以眾美則益其損故不仁而有勇力果敢則狂而操利劍狂猶亂也不智而辯慧懷給則棄驥而不式不知之人辯慧懷給不知所裁之猶棄而或不知所詣也懷佞也雖有材能其施之不當其處之不宜適足以輔僞飾非伎藝之眾不如其寡也故有野心者不可借便勢野外有愚質者不可與利器老子曰國之利器不可以假人也魚得水而游焉則樂塘決水涸則爲螻蟻所食有掌修其隄防補其缺漏則魚得而利之掌國有以存人有以生國有人存由魚得水也國厚故人遂生也國之所以存者仁義是也人

之所以生者行善是也國無義雖大必亡桀紂人無善志雖勇

必傷論語曰勇而無禮則亂亂則傷也治國上使不得與焉使不得與亡傷之危是上術也孝

於父母弟於兄嫂信於朋友不得上令而可得為也釋己之所

得為而責於其所不得制悖矣士處卑隱欲上達必先反諸己

上達有道名譽不起而不能上達矣取譽有道不信於友不能

得譽於友有道事親不說不信於友不能說親朋友不信之也說親有道修

身不誠不能事親矣誠身有道心不專一不能專誠道在易而

求之難易謂反己先修其本也不修其本而欲得說親誠身之名皆難也故曰道在易而求之難也驗在近

而求之遠故弗得也驗效也近謂本遠謂末也故不能得之也

繆稱訓繆異之論稱物假類同之神明以知所貴

道藏輯要

淮南鴻烈解

三

虛集七

道至高無上至深無下平平準直乎繩員乎規方乎矩包裹宇

宙而無表裏洞同覆載而無所礙礙是故體道者不哀不樂不

喜不怒其坐無慮其寢無寢物來而名事來而應

主者國之心心治則百節皆安心擾則百節皆亂故其心治者

支體相遺也其國治者君臣相忘也

黃帝曰芒芒昧昧從天之道與元同氣故至得者言同略事同

指上下一心無歧道旁見者遏障之於邪關道之於善而民鄉

方矣故易曰同人于野利涉大川言能同人道至於野則可道以濟大川大川大難也

者物之所導也德者性之所扶也仁者積恩之見證也義者比

於人心而合於眾適者也故道滅而德用德衰而仁義生故尚